



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Georgio Lippai Archiepiscopo Strigoniensi, Primati Hvngariae, Legato Nato
&c.

urn:nbn:de:hbz:466:1-42840



GEORGIO
LIPPAI

ARCHIEPISCOPO
STRIGONIENSI,
PRIMATI HUNGARIAE,
LEGATO NATO &c.

Ioannes Nadasi Societatis Iesu

felices annos tam hos, quam aeternos.

Quam humani generis Primatem vocat Græca
Ecclesia, eius ego Virginis Matris Optimæ
† 3 Ma-
*Menas
s. Ian.
S. Sabbar.*

D E D I C A T I O

Maximæque Annales, Societatis IESV factis circumscriptos, affero Tibi *Primate* Vngariæ MARIANÆ; idque nomine dupliciter tibi charo: altero, quia sunt *Annales* MARIANI; altero, quia *Societatis* IESV. DEI Matrem quantum ames, & maior Tirnaviæ, mea olim, Sodalitas testis est, cui tot annis præfuiſti, nec semel ipse facundus hortator; & ego cum aliàs, tum in Viuariensi illo tuo contra Patriæ hostes præsidio potissimum, ante annos ab hinc complures, coram exploratè introspexi vsque ad delicias lachrymarum. Societatem autem quo loco habeas, vsque ad ingenuum ruborem nostrum in publica sæpè panegyri, ac non rarò inter Proceres aliàs, testata est tua illa lingua Eucharis, cordis optimi disertissima elocutrix: & in Trencinensi tuo Collegio, ac tua ibidè Probationis primæ Domo, velut *ex ore infantum, & adhuc lactentium* Tironum luculenter audimus: ac audietur Echo Tuorum erga nos meritorum factis loquentium, quæ futuris ætatibus immortaliter narrabunt non ingrati Societatis Annales. Atque etiamnum omnis quàm longè ac latè patet Societas, in triclinio ubique legit inclytum nomen *Georgij Lippai Archiepiscopi, bis Fundatoris*: ideòque vsque ad aras tibi grata, Deo ac Dei Matri pro te supplex aduoluitur, sacrificijs pro te, tanquàm vnus Collegij, ac vnus Tirocinij Fundatore, MARIANIſq; coronis millies, & millies ac sæpiùs (nam numerum omnium inire quis possit?) repetitis, ac (olim) iterum repetèdis. Eos qui magnas aliorum virtutes perscribebāt, sancta vetustas *oculos Episcopi* appellabat. Quidni & ego hac vice *oculi* fungar officio, cum tibi post Imitationem DEI, DEI Matrem

*Baron.
Martyrol.
c.1.*

trem

D E D I C A T I O

trem fero, id est pupillam oculorum tuorum, atque nostrorum? Nam etiam in amanda MARIA IESU (ita eam recepto tunc nomine vocat S. Ignatius Ep. M.) *Societas Iesu Societas est amoris*, ut olim S. P. Ignatio scribebat Apostolicus ille fidei Atlas Xaverius; cui tu nobile templum nuper Trencinij & ædificasti, & augustè dedicasti. Sed & ego (licet enim mihi de me coram Te ita loqui) Illi Domina, ac Matri debeo quòd me in hac Societate, *vestimentis salutis*, aut (ut alij habent) vestimentis IESU induerit bonus Deus. De Te autem quid? Certè si apud Boëtium, è veteri Græcorum proverbio, *viri sacri corpus virtutes ædificauere*; flagrans hic erga Dei Matrem amor videtur esse tuarum virtutum epitome, ac totius illius fabricæ architectus. Tibi ergò, tanquam eius beneficiario, *Illam offero*; qui & ipse, tum hæreditariâ gentis Hungaricæ, tum religiosâ *Instituti mei obligatione* sum totus in ære ipsius *atque familia*; de illa scribere aliàs, nisi me grati animi obligatio cogeret, non ausurus. quippe *grandes materias ingenia parua non sustinent; & in ipso conatu ultra vires ausa succumbunt.* Succumbo & ego lubens sub tam nobili mole materia, quæ me pondere suo ad reuerentiam inclinat; quam & illi facio quàm possum demississimè atque subiectissimè, *de qua scribo*; & tibi cui ea offero dedicoque. Nisi, Domina, inquit Marianus ille psalter Bonaventura, ædificaueris domum cordis nostri, non permanebit ædificium eius. Ipse Archiepiscopatus Tuus à S. Stephano Rege DEI Matri dicatus est; à quo Hungaria facta est, & passim dicta familia DEI Matris; & DEI Mater, clo.

lib. 2. ep. 9.

Isaia 61.

4. Consi.
Prosa 6.

S. Hieron.
epist. 3. ad
Heliod.

Pf. 136.

Sur in vi-
ta S. Steph.
20. Aug. et
alij passim

DEDICATIO

elogio celebri, Patrona Hungariæ, ac Regina; ipsa
denique natio vniuersa, Hungariæ MARIANÆ, seu
Regni MARIANI nomen accepit; quod vtinam ser-
uet, ac augeat. Seruet Illa Te Patrem, ac genui-
num Filium suo illi Regno, nunc certè, si vn-
quam, aut labanti (vt audio) aut surgenti, diu
prosperèque incolumem.

Romæ in Domo Profefs. Soc. Iesu. 1661.
die Dni Matris ab Angelo salutatz.



PRÆ